

# KUNTERBUNT

## Generalversammlig

Höt ischt, d Lüt hend än morz Vrzaal,  
Generalversammlig im Adlersaal.

«Silenzium!», rüaft dr Präsident «wenn s goot ...»  
Alli sind scho doo, no dr Konrad kunnt z schpoot.

Dr Präsident tuat da Grossa und da Kliina,  
da Aalta und da Junga danka för s Erschiina.

Am Kassiar tuat r ebafalls härzlig danka  
för sin sorgsama Umgang met da Franka.

Im witera danket r, ischt das net wunderbar,  
för sini Arbat o am Aktuar,

Und da Beisitzer uf m vordera Bank  
seet dr Präsident o härzliga Dank!

Er dankat dr Mama, ischt das net nätt,  
dass sie ihn als Präsident uf d Wält broocht hät.

Sin Dank gelt o sira Frau und sina Kind,  
und dena, wo scho lang verschorba sind.

Er bedankt sich bir Gmäänd und bim Land,  
und natürlig o bim Vorsetzenda vom Landesverband.

Bevor ma schliasslig zom Filososfiara öberi goot,  
git s no än Schöblig met Händöpfelsoloot.

För d Wörscht, dia sind jo fänomenal,  
dankat dr Präsident da Wörtslüt und am Personal.

Schliasslig tuat r, ischt das net zom Schüüssa,  
d Setzig met mana härzliga Dankschön schlüüssa.

Er tuat nochamool, und das ischt kän Witz,  
am Hans, am Franz, am Karl und am Fritz,

dr Gertrud, am Köbi, dr Olga, dr Vroni,  
am Paul, am Otto, am Peter und am Toni,

dr Anna, dr Klara, dr Mina und dr Blanka  
förs Erschiina härzlig danka!

Abschlüssend möchti Eu als Abschlussgedanka  
ganz härzlig för d Ufmerksamkeit danka!

## Aus dem Archiv



AUS DEM FÜRSTENTUM LIECHTENSTEIN.  
Masescha u. der Bären, von Paul von Gatten.

Masescha



AUS DEM FÜRSTENTUM LIECHTENSTEIN.  
Von Gatten nach Silum (Oberer West).

Silum



AUS DEM FÜRSTENTUM LIECHTENSTEIN. Sawntal mit  
dem Nätkopf, und das Hütche Sücka 1450 m. ü. d. M.

Sücka

Ansichtskarten nach Gemälden  
von Hans Gantner (1853–1914)